

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Komisija za jednakopravnost spolova

Broj: 02/9-02-1156/25

Sarajevo, 4. juni 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 10-06-2025			
Org. jed.	Broj	Prilogi	Vrijednost

DOMU NARODA
PARLAMENTA FBiH

Komisija za jednakopravnost spolova Doma naroda Parlamenta Federacije Bosne i Hercegovine (u daljnjem tekstu: Komisija) održala je 4. juna 2025. godine 11. sjednicu na kojoj je razmatrala:

- **Inicijativu za uvođenje pratnje tijekom porođaja (porodiljama) u zdravstvenim ustanovama, u ovom slučaju bolnicama sa porodilištima na nivou Federacije BiH („Glas žene“ Bihać i Ilda Alilbegović, zastupnica u Zastupničkom domu PFBiH)**

Komisija, na osnovu člana 51., a u vezi s članom 63. Poslovnika o radu Doma naroda Parlamenta Federacije Bosne i Hercegovine, podnosi sljedeći:

IZVJEŠTAJ

1. **Inicijativa za uvođenje pratnje tijekom porođaja (porodiljama) u zdravstvenim ustanovama, u ovom slučaju bolnicama sa porodilištima na nivou Federacije BiH („Glas žene“ Bihać i Ilda Alilbegović, zastupnica u Zastupničkom domu PFBiH).**

Nakon obraćanja predstavnica Udruženja „Glas žene“ Bihać, Nejre Raković, kao i Amile Tatarević iz Udruženja „Baby steps“ Sarajevo te Vildane Doder iz Federalnog ministarstva zdravstva obavljena je opsežna rasprava u kojoj su učestvovalе prisutne članice Komisije i Lejla Hodović iz Gender Centra FBiH.

Osnov za podnošenje Inicijative, kako je naglašeno, je u članu 18., stavu 3) Zakona o ravnopravnosti spolova BiH, prema kojem su nadležni organi vlasti u obavezi da preduzimaju posebne mjere u cilju zaštite i unaprijeđenja reproduktivnog zdravlja žena. Konstatovana je načelna saglasnost za prihvatanje Inicijative i njenu realizaciju na nivou Federacije BiH, kao i to da je preporuka Svjetske zdravstvene organizacije da praćenje tijekom porođaja bude vlastiti izbor žene, a ne da, kao što je danas slučaj, ovisi o „dobroj volji“ određenog direktora bolnice/porodilišta.

Napomenuto je, također, da je usvojena slična inicijativa, u februaru 2024. godine na sjednici Vlade FBiH (Inicijativa Marijane Hrvić Šikuljak) ali da nažalost nije implementirana.

U namjeri da nađe najbolji način da svakoj porodilji u Federaciji Bosne i Hercegovine bude osigurana mogućnost pratnje tijekom cijelog porođaja, Komisija je zauzimanje konačnog stave o Inicijativi prolongirala do narednog zasjedanja, 10. juna 2025. godine i s tim u vezi usvojila sljedeći:

ZAKLJUČAK

U namjeri da osigura usvajanje akta kojim bi se osiguralo donošenje propisa, a kojim bi bilo omogućeno da svaka porodilja ima pravo na pratnju tijekom cijelog porođaja, Komisija će na osnovu današnje diskusije i konsultacija sa relevantnim sektorima i institucijama, konačno izjašnjavanje o Inicijativi obaviti na sljedećem zasjedanju Komisije 10. juna 2025. godine.

Za izvjestiteljicu na sjednici Doma naroda određena je Aida Obuća, predsjednica Komisije.

PREDSJEDNICA KOMISIJE

Aida Obuća

